

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA FOJNICA
OPĆINSKI NAČELNIK

Broj: 02-11-68-3/20
Fojnica: 04.02.2020.

Na osnovu člana 64. Stav 1. tačka b), člana 70. stav 1. 3. i 6. zakona o javnim nabavkama BiH („Službeni glasnik BiH“, broj 39/14), člana 39. Statuta Općine Fojnica („Službene novine Općine Fojnica“, broj: 4/08), a u vezi s preporukom Komisije za javne nabavke broj: 02-11-68-2/20 od 03.02.2020. godine, načelnik Općine Fojnica, **d o n o s i**:

O D L U K U
o izboru najpovoljnijeg ponuđača

Član 1.

Dodjeljuje se ugovor za javnu nabavku usluga tehničke zaštite za potrebe Općine Fojnica za 2020. godinu ponuđaču Agencija za zaštitu ljudi i imovine „SECURITAS“ d.o.o Sarajevo, Bačići 3. 71000 Sarajevo, ID broj: 4227417480004 za ponudenu cijenu u iznosu od 11.500,00 KM bez PDV-a, odnosno **13.455,00 KM** sa uračunatim PDV-om, ponuda broj: 397/2020 od 30.01.2020.godine

Član 2.

Prijedlog ugovora o nabavci dostavit će se na potpis gore izabranom ponuđaču

Član 3.

Ova odluka objavit će se na web stranici Općine Fojnica, istovremeno sa upućivanjem ponuđačima koji su učestvovali u postupku javne nabavke shodno članu 70. stav 6. Zakona o javnim nabavkama BiH.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

O b r a z l o ž e n j e

Postupak javne nabavke usluge tehničke zaštite za potrebe Općine Fojnica za 2020. godinu, proveden je putem poziva za dostavljanje ponuda u postupku dodjele ugovora za nabavku usluga iz ankesa II dio B ZJN.a, broj: 02-11-68/20 od 16.01.2020. godine.

Obavijest o javnoj nabavci objavljena je na internetskoj stranici općine Fojnica www.fojnica.ba 16.01.2020. godine.

Komisija za javne nabavke Općine Fojnica imenovana Rješenjem općinskog načelnika broj: 02-11-19/20 od 10.01.2020 godine dostavila je dana 16.01.2020. godine općinskom načelniku zapisnik broj: 02-11-68-2/20, o ocjeni ponuda sa preporukom o izboru najpovoljnijeg ponuđača za nabavku usluga tehničke zaštite za potrebe Općine Fojnica za 2020. godinu.

U postupku po dostavljanju zapisnika konstatovano je, da je Komisija za javne nabavke blagovremeno i ispravno izvršila javno otvaranje ponuda i ocjenu prispjelih ponuda, te da je utvrdila da je pristigla jedna ponuda od ponuđača Agencija za zaštitu ljudi i imovine „Securitas“ d.o.o Sarajevo, te da je blagovremena i prihvatljiva.

Tokom donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda shodno kriterijima iz tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu koji bi eventualno bili razlog za neprihvatanje preporuke Komisije za javne nabavke. Naime utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i tenderskom dokumentacijom.

Na osnovu kriterija izabran je ponuđač sa najnižom cijenom Agencija za zaštitu ljudi i imovine „SECURITAS“ d.o.o sa ponudnom cijenom u iznosu od, **13.455,00 KM** sa uračunatim PDV-om, ponuda broj: 397/2020 od 30.01.2020.godine.

Na osnovu izloženog, a u skladu sa članom 64. stav 1. tačka b), riješeno je kao u dispozitivu.

POUKA O PRAVNOM LIJEKU

Protiv ovog rješenja može se izjaviti žalba Uredu za razmatranje žalbi BiH putem Ugovornog organa u pisanoj formi najkasnije u roku od 5 dana od prijema ovog rješenja. Naknada za žalbu je propisana članom 108. Zakona o javnim nabavkama BiH. Žalba se podnosi u dovoljnom broju primjeraka, koji ne može biti manji od tri.

DOSTAVITI:
- Ponuđačima
- Arhiv


OPĆINSKI NAČELNIK
Sabahudin Klisura dipl.ing